

Bemba - Mwalilubuka ku Mfwa Malembo Yamushilo - Free from Death
Scriptures

Roma 6:23 Pantu amalipilo ya bubifi ni mfwa. Lelo ubupe bwakwa Lesa, bwena mweo wa pe ubo tushukila muli Yesu Kristu Imfumu yesu.

Roma 8:2 Pantu maka yakwa Mupashi uupeela umweo, eyatupususha ku maka ya bubifi ne mfwa, ico twaba muli Kristu Yesu.

2 Timote 1:10 Lelo ukwisa kwa Mupusushi wesu Kristu Yesu, ekwaisa sokolola ici. Aisa onaula imfwa, elyo ku Mbila Nsuma atusokolwela umweo no kukanafwa.

Yobo 5:2 Pantu icipyu cipaya umuntu imbulwamano, ulunkumbwa nalo Iwipaya umuntu uushacenjela.

Hosea 13:14 Ala ine nshakabalubule ku calo ca bafwa. Nshakabapususheko ku mfwa nakalya. We mfwa we, ale icikuko cobe cili kwi? We calo ca bafwa we, ale ulubola lobe luli kwi? Ine nomba naleka ukulabalangulukilako.

Amalumbo 9:13 Unangulukileko ine we Yawe, umone nefyo abampata balencusha. Niwefye unjimya no kumpokolola ukufuma ku mfwa,

Yobo 6:26 Bushe mulefwaya tuletalikana pa mashiwi ayafye, no kuleka amashiwi ya muntu uwapelelwa yoluluke ngo mwela?

Yobo 33:22 Ilyo ubumi bwakwe bwapalama ku nindi, no mweo wakwe ku cifulo ca bafwa.

Esekieli 37:12,13 Kanshi sesemena abantu bandi amashiwi yandi, bebe ukuti ine ne Mfumu Yawe nkesula inindi shabo, nkabafumyamo no kubabweseha mu calo ca Israeli. 13 Inindi shabo isho abantu bandi bashiikwamo, ilyo ine nkashisula no kubafumyamo elyo mukashininkisha ukuti kansihi ine nine Yawe.

Mateo 27:52 Amabwe ya pa nindi yaisuka, na bamushilo abengi abafwile bashukuka.

Icitencekelo 2:7 Elyo Yawe Lesa abumba umuntu ukufuma ku lukungu lwa kwiloba. Kibili amuputilisha umupu wabumi mu myona no muntu aba umumi.

Icitencekelo 6:17 Nalaleta ilyeshi pano isonde kukonaula conse icabumi pesamba lya mulu, conse icibumbwa icipema. Icintu conse pesonde cikaloba.

Icitencekelo 7:15 Kanshi fyonse ifyabumi fibili fibili, icilume ne cikota fyaingile na Noa mu cibwato.

Icitencekelo 7:22 Ifintu fyonse ifikala ku mulundu, ifipemena mu myona umupu wabumi fyafwa.

Yobo 12:10 Ubumi bwa fintu fyonse ifipema bwaba mu minwe yakwa Lesa, pamo penefye no mupu uo abantu bapema.

Yobo 33:4 Pantu Umupashi wakwa Lesa ewabumba ine, umupu wa Mwine wa maka yonse ewampeela ubumi.

Imilimo 17:25 Lesa takabila nelyo cimo, kanshi takabila nelyo cimo ico abantu bengamubombela. Pantu ni Lesa eupeela abantu ubumi nokuti balepema, eubapeela na fyonsefye.

Ubusokololo 13:15 Icisiwango cabubili casuminishiwa ukupuuta umupu wakupeela umweo mu cilubi ca ciswango cakubalilapo pakuti cilelanda, no kulenga ukuti baleipaya abo bonse abalekaana ukupepa icilubi ca ciswango.

Yoani 10:10 Umupupu teshila cimbi kanofye ukwiba, ukwipaya no konaula. Ine ico naishila ni kukupeela umweo nokuti bakwatishe umweo.

Esaya 28:15 Imwe mulaitakisha ukuti mwalyumfwana ne mfwा, nokuti imwe mwalipangana ne calo ca bafwa. Imwe mwalishininkisha ukuti icinkunka ilyo cikesa, imwe tacakamukume iyoo, pantu imwe mwaikalila ubufi no bucenjeshi pakuti efyo filemupusushako.

Esaya 28:18 Icumfwano cenu ico imwe mwaumfwana ne mfwा, ala cikapwa, ne cipangano ico mwapangana ne calo ca bafwa, ala naco cine tacakeminine. Ilyo icinkunka icabipisha cikesa tamwakashaneko iyoo.

Esaya 5:24 Eico, nga filya fine impimbili ne cani icauma fipyा ku mulilo, efyo kanshi ne mishila yenu ikaloba, na maluba yenu yakoma no kusendwa ku mwela, pantu imwe mwalifumya amano kufyo twafundwa kuli Yawe umwine wa fita, na kwishiwi lyakwa Lesa Wamushilo uwakwa Israeli.

Yoeli 1:12 Imishila ya myangashi nayuma, imikunyu nayo naibonsa, elyo imiteke, utuncindu na maapo, ne miti yonse iya mwibala nayuma. Ne nsansa ku bana ba bantu nasho nashipwa.

Hosea 13:15 Nangufye balulubale nga matete, nakalyafye, ine ne Yawe nkemya umwela wakaba uwa ku kabanga, umwela ukatula ku matololo, ukesakamya intulo sha mimana yabo kumo kwine ne fishima fyabo. Ukesa senda ne fintu fyabo fyonse ifyamutengo ifyo batutila.

Ubusokololo 22:1 Elyo malaika ananga umumana uwa menshi ayapeela umweo. Uyu mumana untu wabengushima kwati tumabwe twa kilistali, kibili wafuma mu cipuna cakwa Lesa no Mwana wa Mpanga.

Yoani 4:10 Yesu amwasuka ati, “Ala awishiba ubupe bwakwa Lesa, no ulekulomba amenshi yakunwa, nga niwe umulombele, nao nga kuti akupeela amenshi yakupeela umweo.”

Yoani 4:14 Lelo uyo onse uukanwa amenshi nkapeela, takomfwe cilaka nakabili. Pantu amenshi nkamupeela yakaluka mu nda yakwe akamfukumfuku ka menshi yakupeela umweo, yakamupeela no mweo wape.”

Amapinda 13:14 Amafunde ya bantu abamano ala ni ntulo yabumi, yalapususha umuntu ku fiteyo fya mfwा.

Amapinda 14:27 Ukukwatila Yawe akatiina e ntulo yabumi yalapususha umuntu ku fiteyo fya mfwा.

Esekieli 13:17-23 “Nomba we mwana wa muntu, sosa ku bana banakashi aba

bantu bobe abasesema ifyakuituntumbafye, kabasoke pafyo balecita. 18 Kabebe ukuti, ‘Ifi efyasosa Imfumu Yawe. Mwashama, mwe banakashi ba bantu mwe. Imwe nimwe mupanga imikano iyakuti mulefwala ku maboko, kibili nimwe mubila ifitambala umwaba ifishimba, ifyakuti mulefwala ku mitwe, pakuti mumone umwakwikatilila imyeo ya bantu. Imwe mufwayafye ukulaikata imyeo ya bantu bandi, pakuti mwe bene munonkelemo fimo. 19 Imwe mulansebanya ku bantu bandi kulwa kufwayafye ukulamwenamo tubale tumo tumo, ne fimokolwa fya mikate fimo fimo. Imwe mulafwaya ukwipaya abantu abashilingile kufwa, mulapususha na bantu abashalinga kwikalala pano calo. Imwe, awe mubepaikafye abantu bandi, nabo tepakutemwa ukulaumfwa ifyabufi.’ 20 “Kanshi ine ne Mfumu Yawe ndesosa nati, ‘Ine tepakupata imikano iyo mwikatilako imyeo ya bantu nge fyuni. Ine nkaipputaula ku maboko yenu, no kuleka abantu abo mwaikata imyeo yabo nge fyuni. 21 Ine nkalepaula ifitambala ku mitwe yenu, no kuleka abantu bandi bakapusunsukeko kuli imwe, kibili bekatala ababa mu minwe yenu nge nama shilya balunga. Ee, elyo mukashininkisha ukuti kanshi ine nine Yawe.’ 22 “Pantu imwe ku bufi bwenu mulafupula abantu abalungami, abo nshaleletela ubulanda. Mulaluminisha na bantu ababifi pakuti beleka myendele yabo iyabipa, epakuti bekapusuka. 23 Kanshi ifimonwa fyenu ifyabufi, awe nomba fyapwa, nefyo musobela ifyakubepa abantu nafyo fine nomba fyapwa. Ine nalapususha abantu bandi kuli imwe, elyo mwalashininkisha ukuti kanshi ine nine Yawe.”

Yeremia 21:8 Kibili Yawe aeba Yeremia amashiwi na yambi ayakwebako abantu ayakutila, “Umfweni kuno. Ine ne Yawe ndefwaya pali ifi fibili imwe musalepo cimo, musalepo inshila iyalola ku bumi, atemwa musalepo inshila ibiye iyalola ku mfwa.

Yobo 34:22 Takwaba ukwafisama, nangu ukwashika, uko uucita ifibi engafisama.

Amalumbo 16:10 Pantu we Yawe tawakaleke umweo wandi ukushala mu calo ca bafwa, Tawakaleke nokuti Uwamushilo obe akabole.

Amalumbo 23:4 Nangu ningapita mu mukonko wa mfwa umwafiita fititi, tekuti ntiine pantu uba na ine. Inkonto yobe no mutambu obe filanteeka umutima.

Amalumbo 30:3 We Yawe wabwesha umweo wandi ukufuma ku calo ca bafwa, wapususha umweo wandi ukufuma mu bakuya mu nindi.

Amalumbo 49:15 Lelo ine Lesa akampususha ku calo ca bafwa, ee, cine cine akampokelela uko aba. (Selah)

Amalumbo 56:13 Pantu naupokolola umweo wandi ukufuma ku mfwa, na makasa yandi ukufuma kukuwa, pakuti mbe uwakwenda pa cinso cakwa Lesa, mu lubuuto ulusanika abamweo.

Amalumbo 68:20 Lesa wesu ni Lesa uutupususha, ku Mfumu Yawe ekwaba umwakupusukila ukufuma ku mfwa.

Amalumbo 89:48 Bushe nani engabelelela uwingakaana ukufwa, nangu

umuntu kuti aipususha ku maka ya calo ca bafwa? (Selah)

Amalumbo 102:19,20 **Ukufuma mu cifulo cakwe icamushilo Yawe alolesha, ukufuma mu mulu arolekesha pano isonde, 20** **kukumfwa ifyo abafungwa baleteta Akukumfwa, no kulubula abapingulwa ukufwa.**

Amalumbo 116:8 **Pantu we Yawe, naupusushako umweo wandi ukufuma ku mfw, naunkumuna ifilamba ku meno yandi, naulesha na makasa yandi ukuipununa.**

Amapinda 10:2 **Ifyuma banonkela mukucita ulufyengo tafiwamina nelyo cimo, lelo imicitile iyalungama ilapususha umuntu ku mfw.**

Esaya 26:19 **Abantu bobe abafwa, bakaba abomi nakabili, ne fitumbi fyabo fikabuuka. Bonse abalala mu nindi shabo bakabuuka, bakalaaula no tupundu. Pantu nga filya fine umume utalalika icalo no kulenga ifimenwa ukupuuka, efyo nobe we Yawe ukabuusha abafwa kale.**

Yoani 5:28,29 **Kanshi imwe mwisunguka pali ifi. Ala inshita ikesa ilyo abafwa bakafuma mu nindi shabo pakumfwa ishiwi lyakwe. 29 Elyo abo abalecita ifisuma, bakashukuka no kuba abomi. Abalecita ifibi bena, bakashukuka nokukandwa.**

Yoani 10:28 **Ine ndashipeela umweo wape, kibili tashakalobe nakalya. Takwakabe nelyo umo uwakushifyombotola mu minwe yandi.**

Yoani 11:43,44 **Ati asose ifi, elyo Yesu amwita aikatisha ishiwi ati, “Lasalo fumina panonse.” 44 Awe uwafwile afuma. Ifisansa na makasa nafipombwa no tusalu. Pa meno pena pakakilwe icitambala. Yesu abeba ati, “Mukakuleni muleke aleya.”**

Yoani 12:17 **Kanshi abantu basangilweko ilyo Yesu aitile Lasalo ukufuma mu nindi, amubusha na kubafwa, bena babikilepofye ukulashimika ili lyashi.**

Yoani 17:2 **Pantu walimupeela amaka yakuteeka abantu bonse. Epakuti nao apeele umweo wa pe kuli abo bonse abo wamupeela.**

1 Kolinti 15:19-26 **Nga cakuti ukusubila kwesu muli Kristu kwakupelelafye muli buno bwine bumi, ninshi nifwe twashamisha ukucila abantu bonse. 20 Nomba icacishinka cakuti, Kristu alibuuka ku bafwa. Kibili pa bafwa bonse ewabalilapo ukubuuka. 21 Nga filya umuntu umo ewaleta imfwa, efyo nomba umuntu umo aleta ukushukuka kwa bafwa. 22 Pantu nga filya bonse tufwa pa mulandu wa cikolwe cesu Adamu, efyo bonse tukabuuka ku bafwa pa mulandu wakusumina Kristu. 23 Cila muntu akabuuka pa nshita Lesa apima. Uwabalilapo ni Kristu. Elyo panuma ilyo akabwela, elyo na bena Kristu bakabuuka. 24 Kanshi pa kupwa kwa calo pena, panuma yakucimfyu ubufumu bonse, bakateeka bonse na bonse abamaka, elyo akalubwila ubufumu kuli Lesa Wishi. 25 Pantu Kristu ali nokulateeka mpakafye akacimfyu abalwani bakwe bonse. 26 Elyo no mulwani akalekeleshako ukucimfyu ni mfw.**

2 Kolinti 1:9,10 **Ifwe twamwene ukuti iyi e mfw, yesu, lelo ici cacitike pakutulanga ukuti tatuli nakucetekela mu maka yesu fwe bene, kanofye**

muli Lesa uubusha na bafwa. 10 Lesa uyu uwatupuswiche ku macushi yakututwala ku mfw, akulatupususha. Pantu ifwe eo twatetekela ukuti akatupususha nakabili.

2 Kolinti 3:6 Ni Lesa ewatupeela amaka yakuba ababomfi ba cipangano cipy.

Ici, cipangano icishaba pa mafunde yalembwa, lelo cakwa Mupashi. Pantu amafunde yalembwa yena yaleta imfwa, lelo Mupashi wena apeela umweo.

Kolose 1:21,22 Na imwe bene kale mwali ukutali na Lesa, kibili mwali abalwani bakwe pa mulandu wa fyabipa ifyo mwaletontonkanya no kucita. 22 Lelo nomba pa mulandu wa mfw yakwa Mwane, Lesa alimuwikishanya nankwe, pakuti amulete mube abamushilo, abakaele, ababula icilubo pa cinso cakwe.

Bahibulu 2:9 Lelo uo tumona ni Yesu, uo pa kashita kanono Lesa amulengele ukuti abe uwacepa pali bamalaika, epakuti ku cikuuku cakwa Lesa, Yesu afwilile umuntu onse. Nomba tumona Yesu ukuti pali ico atufwilile bamufwika icisote cabufumu ica mucinshi no bucindami.

Bahibulu 2:14,15 Apo abo eta abana, bantu ababa no munofu no mulopa, kansi Yesu nao ayalwike ngefyo baba, aba umuntu. Acitile ifi, pakuti ku mfw yakwe onaule Ciwa, uwakwata amaka pa mfw. 15 Elyo kibili epakuti alubule bonse abali abasha mu bumi bwabo bonse pa mulandu wakutiina imfwa.

Bahibulu 11:5 Nico Enoki ali ne cisumino ecalengele nokuti efwa. Lelo Lesa amusendele umutuntulu ku mulu, tapali nangu umo uwakumumona pantu Lesa alimusendele. Pantu ilyo Enoki ali talasendwa, calishininkishiwa ukuti alesansamusha Lesa.

1 Petelo 3:18 Kristu afwile umuku umo pa fyabubifi, calipwa. Umuntu uwakaele afwilile abashaba abakaele pakuti atutwale kuli Lesa. Muli bumuntu balimwikeye, lelo mu mupashi wena ali uwamweo.

2 Petelo 1:3 Lesa ku maka yakwe alitupeela fyonse ifyakutwafwako ukwikala nga bantu bakwe icine cine. Atwita ku bucindami bwakwe na ku busuma bwakwe pali ico twalimwishiha.

1 Yoani 3:14 Natwishiha ukuti twalifuma mu mfw, kibili twaliingila na mu mweo. Ico twaishibila ici, nico twatemwa bamunyinefwe! Uyo onse uushakwata citemwiko, ninshi acili uwafwa.

1 Yoani 5:11 Na bukambone ubu bwakuti, Lesa alitupeela umweo wape, noyu mweo waba muli Mwane.

Ubusokololo 21:6 Anjeba nokuti, "Capwa! Nine Alfa kibili nine Omega, nine Citendekelo kibili nine Kapeleko. Onse uuli ne cilaka nkamupeela amenshi yakunwa ayabudefye ukufuma ku kamfukumfuku ka menshi ayapeela umweo.